



UNIVERSITÄTS-
BIBLIOTHEK
PADERBORN

Universitätsbibliothek Paderborn

Concilia Galliæ Narbonensis

Baluze, Etienne

Parisiis, 1668

XXI. Gravamina Ecclesiæ Narbonensi illata ab Amalrico Vicecomite
Narbonensi. Ex archivo Archiepiscopi Narbonensis.

urn:nbn:de:hbz:466:1-14646

X X I.

Gravamina Ecclesiæ Narbonensi illata ab Amalrico Vicecomite Narbonensi.

Ex archivio Archiepiscopi Narbonensis.

GUILLEMUS Dei gratia sanctæ Narbonensis Ecclesiæ Archiepiscopus dilecto sibi in Christo per eandem Abbatii Caunensi salutem in Domino Jesu Christo. Cum Nobilis vir Amalricus Vicecomes Narbonensis multas & graves injurias nobis & Ecclesiæ Narbonensi, Abbatii & Capitulo sancti Pauli, & aliis Abbatis & Ecclesiis nostræ dioecesis, irrogaverit frequenter, & super illis monitus diligenter & canonicè non curaverit emendare, & propter hoc ipsum, consiliarios, & fautores ipsius excommunicationis sententia innodaverimus justitia exigente, nec à malis desistens, sed accumulans pejora prioribus, nos & Ecclesiis prædictas aggravare de novo non metuens, jurisdictionem nostram & Ecclesiarum prædictarum usurpans, & quantum est in ipso, enervare intendens, post præfatam sententiam latam in ipsum quosdam homines jurisdictionis nostræ & Ecclesiarum prædictarum occasione justitię sanguinis & adulterij cepit per se vel suos iustitè, & in curia sua detinuit, & quosdam justificavit, quosdam compulit ad dandam sibi pecuniæ quantitatem, videlicet Raimundum Landricum, à quo occasione sanguinis habuit sexaginta solidos, item quendam alium qui captus fuit pro furto in domo Guillielmi Bernardi de Stabulo, quem fecit fustigari, item Martinum textorem, quem fecit præconizari, extorquens postmodum ab eo quinquaginta solidos Melgorienses, & quosdā

alios in eundem modum. Item Corbariam macellatorem, à quo occasione adulterij extorsit triginta & quinque solidos Melgorienses. Item Poncium Fabri, à quo occasione prædicta extorsit quinquaginta solidos Melgorienses. Item Bertrandum Monderij, à quo occasione dicta extorsit viginti & sex solidos Melgorienses, & quosdam alios in eundem modum. Item quasdam minores justicias ad nos & prædictas Ecclesias pertinentes invadit, & impedit, ac quantum in eo est sibi appropriare intendit, & à quibusdam hominibus pecuniam extorsit, videlicet à Bernardo Gaucelini paratore viginti solidos, à Pradellis de sancto Antonino centum solidos, & à quibusdam aliis in eundem modum. Item inhibuit ne in feudis & terris quæ tenentur à nobis extra muros civitatis & burgi Narbonensis & Capitulo sancti Justi, & Abbatie & Capitulo sancti Pauli, ullus aedificet, & aedificatores, qui ibi erant, fecit expelli. Item libertatem nostram, hominum nostrorum & Ecclesiarum prædictarum nostrarum invadens, homines quos nos habebamus apud Cuthciacum, & homines quos prædictæ Ecclesiæ habebant extra Narbonam, talliavit, & certam ab eis summam pecuniaæ extorsit. Item inhibet hominibus castrorum nostrorum & prædictarum Ecclesiarum ne animalia eorum utantur pascuis & aquis castrorum suorum, cùm semper iis usi fuerint ab antiquo. Item contradicit reddere P. Guinar hominem nostrum de Caneto, qui citatus propter furum aufugit de Caneto apud Genestars. Item bannit & amparavit, in operatoriis scilicet pontis, res quasdam quæ sunt de jurisdictione nostra. Item jurisdictionem nostram invadens appropriavit sibi pœnam illorum qui committunt in leudam, & extorsit à multis pecuniariam pœnam, quæ debet esse communis ; videlicet à P. Bonifacij de Montepes-

fulano centum solidos , item à Raimundo Rubeo vi-
ginti solidos , & ab aliis in eundem modum. Item
cùm nundinæ Narbonenses sint communes inter nos
& ipsum , facit & apponit bannimenta per se in
nundinis antedictis, irrequisitis Bailivis nostris ; &
aliqua quæ per unam Curiam banniuntur , alteri
non licet disbannire. Item cùm p̄ficationes quæ
fiunt à paxeria pontis inferiū usque ad paxeriam
molendinorum de Filo, sint nostræ , ipse prohibuit
vel prohiberi fecit ne ibi nostro nomine p̄scare-
tur. Item fecit & facit p̄scari bruginam in stagno in
præjudicium nostrum,cùm exeat in plagiam nostrâ,&
recepit & recipit inde censum in diminutione nostræ
jurisdictionis. Item fecit sibi recognosci apud Narbo-
nam feuda qnædam quæ à nobis tenentur immedia-
tè, videlicet Capitolium, & quædam usatica quæ fue-
runt olim Dominæ Nigræ , quæ modo liberi R. Io-
hannis & fratr̄ ejus P. Stephani tenent, & quædam
alia in eundem modum, in nostrum præjudicium &
gravamen. Item prohibuit & prohibet Notariis qui
sunt in Narbona & extra, facientibus instrumenta
nuptialia, testamentorum , & alia, ne ipsa redigant
in publicam formam sine subscriptione nominis sui,
quam de novo apponi præcepit , cùm longissi-
mo tempore sit observatum quòd fiebant cum
subscriptione nominis Archiepiscopi , & non
ipsius. Item cùm nos majus dominium habeamus in
Narbona, idem Amalricus diminuere intendens ju-
risdictionem nostram , de novo in suis litteris & suo
sigillo ac instrumentis publicis quæ per Notarios
publicos fiunt intra Narbonam & extra , vocari se
facit Dominum Narbonensem, in nostrum præju-
dicium & gravamen. Item idem Amalricus in dimi-
nutionem jurisdictionis nostræ fecit bis teneri cam-
pum de Sarracenis venalib⁹ & aliis quibusdam re-

bus, de quo campo habuit quinque milia solidorum & amplius. Qui campus debet esse communis. Item jurisdictionem ecclesiasticam quantum in ipso est enervans, prohibuit per Ecclesias civitatis & burgi Narbonensis & alias multas Ecclesias nostrę diocefis, eò quod exigentibus culpis suis excommunicabatur, hominibus & mulieribus diebus solemnibus & aliis ne offerrent, clavibus sanctae Ecclesiae faciens quodammodo contraclavem. Et in hoc damnificavit dictas Ecclesias in magna pecuniae quantitate. Item in contemptum nostrum & Ecclesiae, qui plantare debemus & evellere juxta evangelicam veritatem, Bernardum de Riparia Capella sui palatij & ejus redditibus spoliavit, eò quod interdictum in ipsa Capella à nobis legitimè positum observabat. Item idem Amalricus in ipsa Capella, spreto nostro interdicto, fecit aliquandiu in salutis suæ præjudicium divina officia prophanari. Item idem Amalricus in præjudicium nostrum & totius terræ, contra canonicas sanctiones & sententiam Domini Papæ, in ponte de Berra imposuit pedagium novum. Item fecit transitum modo de novo navis suæ super feudum nostrum de Bosqueto, in magnum damnum feudatariorum & præjudicium nostrum. Item tempore quo quondam Comes Tholosanus guerram fecit ultimò Ecclesiae & Regi Franciae, idem Amalricus ab hominibus Capituli Narbonensis & Abbatis & Capituli sancti Pauli & aliarum Ecclesiarum nostræ diocefis magnam extorsit pecuniae quantitatem. Item injuriatur nobis & Capitulo nostro occupando quendam mansum ipsius Capituli qui est in Villa-nova, & inhibendo ne idem Capitulum claudat quendam campum quem habet ad portam regiam. Item idem Amalricus in derogationem libertatis ecclesiastice extorquet & accipit ab hominibus quos habet Capitulum sancti Ju-

sti apud Cuthciacum, albergam decem Militibus, & à quodam Bajulo & à quibusdam hominibus dicti Capituli extorsit quandam pecuniæ quantitatem. Idem etiam fecit ab hominibus Abbatis & Capituli sancti Pauli & aliarum Ecclesiarum diocesis nostræ. Item in burgatis nostris, & in burgatis Abbatis & Capituli sancti Pauli, nititur capere homines, & res eorum bannire, & foris facta quæ fuerint in viis publicis & de nocte in jurisdictione ipsorum, nititur sibi usurpare in magnam Ecclesiæ læsionem. Cùm igitur hæc omnia & multò plura fecerit & faciat in nostrum & prædictarum Ecclesiarum præjudicium & gravamen, & ea non possimus ulteriùs conniventibus oculis preterire, cùm error cui non resistitur approbetur, presentium vobis auctoritate districtè præcipiendo mandamus quatinus ad præfatum nobilem personaliter accedentes, testibus idoneis adhibitis, nostras litteras continentes prædicta gravamina reddatis eidem, requirentes eum & monentes ex parte nostra nihilominus viva voce super singulis specialiter vel saltem in genere quod prædicta non differat emendare, & quod similia vel pejora de cetero facere non præsumat. Alioquin, cùm non sit deferendum homini contra Deum, justitia mediante vigorem ecclesiasticum exercere curabimus in eundem. Datum Narbonæ xiiii. Kal. Martij anno Domini millesimo ducentesimo quinquagesimo.

Eodem anno quo suprà, xiii. Kal. Martij, nos frater P. Abbas Caunensis auctoritate dicti mandati apud Corcianum personaliter accedentes, inventientes ibidem dictum nobilem Amalricum, eundem ex parte dicti Domini Archiepiscopi requisivimus & monuimus diligenter super omnibus prædictis gravaminibus emendandis, tradentes eidem aliam cartam per alphabetum cum ista & continentem omnia

gravamina supradicta. Actum fuit hoc præsentibus
Centullo Priore de Laurano, Bernardo Capellano
Ecclesiæ de Caunis, Bernardo Presbytero de Corcia-
no. Et ad majorem prædictorum omnium firmita-
tem, sigillum nostrum præsentibus duximus appo-
nendum.

XXXII.

Bulla Innocentij IV. qua confirmat sen-
tentiam excommunicationis à Guillel-
mo Narbonensi Archiepiscopo latam
adversus Amalricum Vicecomitem.

Ex eodem archivø Archiepiscopi Narbonensis.

INNOCENTIUS Episcopus servus servorum
Dei dilectis filiis Abbatii sancti Iacobi, Archidia-
cono Biterrensi, & Priori de Cassiano Biterrensis
diocesis, salutem & apostolicam benedictionem.
Venerabilis frater noster Narbonensis Archiepis-
copus nobis humiliter supplicavit ut excommunica-
tionis sententiam, quam idem in Amalricum Viceco-
mite Narbon. pro eo quod spredo fidelitatis &
homagij juramento, quo sibi tenetur, portas pala-
tij sui, eo existente Narbonæ, fecit à quibusdam ar-
matis in ipsius contemptum & injuriam custodiri ad
scutiferos & aliam suam familiam capiendos, &
quod civibus Narbonensibus inhibuit ne ipsi de
feudis quæ tenent ab Ecclesia Narbonensi respon-
deant, nec ab eo se ipsa tenere, sicut prædecessores
sui recognoverunt, aliquatenus recognoscant, &
quod quondam Petrum de Besauduno, in quem spi-
ritualem & temporalem idem Archiepiscopus juris-